



Obigsunne

Dur Sissach lauft dr Linsalata
(fürs Zmittag mues är no Salat ha)
und in dr Zone merkt är bald,
im Durchschnitt isch me z'Sissach alt
Wär ins Dorf go poschte goot
gseet das sofort am Aagebot:
S'git Brülle, Linse, Grät für d'Ore,
Wasserbetter, Rollatore.
Drei Appideegge konkurriere
zum pharmazeutisch Di z'kuriere.
Wird's Zit für früschi Zeen, die Dritte?
Findsch sicher drizääh Chifer-Schmitte
und duesch trotz Physio no hinke,
gits vor Ort Orthopäde-Finke.
Jä, Sissach isch es Kaff für Greise,
wo obe dra scho d'Geier kreise.

Dr Linsalata riibt sich d'Nase
und merkt: „Das isch *mini* Chance!
Sissach isch für alti Hase
scho jetzt en Art Wohlfühl-Oase.
Nur fehlt am Ändi vo dr Zone
none schöne Platz zem Wohnen
für elteri Generatione...
Hey, finanziell chönt sich das lohnel“
Er überschloot schnäll, was es choschet,
scho hett är s'Hotel Sunne poschtet
und plant dort jetzt ganz unverfrore
e Residänz für Seniore.

Das Hotel heisst jetzt „Obigsunne“.
Und me darf säge, es hett gunnel!
Wenn d'üziesch, isch en intensive
Body-Upgrade inklusive:
Bi dr Pedicüre lön die noble
Dame d'Hüenerauge hoble.
Denn duet dr Dokter d'Nase richte
und alli Chräiefüess vernichte.
Im OP chasch no d'Brüsch uffschüme
und im Solarium nochebrüüne.
So chasch als Venus d'Manne locke -
wo au nit numme ummehocke:
Bim Crossfit dōi die d'Muskle quäle,
D'Abweehrchräft im Lisbaad stähle,
D'Glatze löön si zerscht massiere
zum nochhär Ächthoor implantiere.
D'Wärze? Furt dank UV-Lampe.
Und d'Diät stoppt s'plampe vo dr Wampe.

Im Salon trifft me sich, zum dörte
bi Cocktails und Klavierkläng flörte.
Wenn sie die bleichte Zeen loot blitze,
denn duet är d'Ermel uufelzete.
Är loot si Bizeps bitz lo spüle,
sie loot ihn chläi in Usschnitt schüle,
Denn frogt är ganz galant die Schmitte:
„Ich wär dr Georges, darf i Si bitte?“
S'nōi Hüftglänk schänkt'ne Eleganz
bim Tango oder Standardtanz.

Ganz Sissach schnallts: In grosse Masse
wäi alti Lüt ihr Gäld verprasse.
Au dr Gemeinroot het drum gschalte,
wältz Strategie für die Alte:
„Als erschts, find ich, wärs doch no nätt
wenns nätti Tualaette hätt...“,
meint dr Preesi Buser Peter,
„...für Blooseschwachi, all paar Meter“.

S'entstöön näb dr Begegningszone
no witteri Attraktion:
Casino, Golfplatz, es Orcheschter
für Festivals und Summerfeschter.
Im Eberain chasch Delphin luege.
S'sell au e Luftseilbahn uf d'Flue gee,
und uf dr Matte dōrt, dä Quark,
e riisige Vergnügigspark,
wo in dr Gäischterbahn, verreckt,
dr Sunnestamm jetzt d'Gescht verschreckt.

Klar, ich ha chläi übertribe.
So witt wäis d'Sissecher nit tribe.
Doch dunkts mi glich, s'git mit de Joore
immer mee Jet-Set-Seniore.
Wo uffpoliert öis wäi bewiese
„Ich ghöör denn nit zum Alte Iise“!
Sicher: Altere isch e Bürde,
Doch so Hetze nimmt dir d'Würde.
Jetzt hätsch doch Zitt! Chasch ändlich glasse
uffs Bänkli höckle - oder jasse.
Verzell öis Junge übers Läbe,
nach was mir würllich sölle sträbe!
Es goot doch nit ums ewig jung si,
Wie Teenies immer uf em Sprung si!
Dä Stress bruchsch nüm, näi merci villmoll!
Do säg ich nur: „Hey Alte, chill moll!“

Wetsch au piffie oder drummler? Mir leere Dirs gärn!
Chumm an d'Ischribig am 21. März in Zünzge. Alli Infos und
Kontaktadrässe findsch do: www.wurlitzer-clique.ch



Obigsunne

Dur Sissach lauft dr Linsalata
(fürs Zmittag mues är no Salat ha)
und in dr Zone merkt är bald,
im Durchschnitt isch me z'Sissach alt
Wär ins Dorf go poschte goot
gseet das sofort am Aagebot:
S'git Brülle, Linse, Grät für d'Ore,
Wasserbetter, Rollatore.
Drei Appideegge konkurriere
zum pharmazeutisch Di z'kuriere.
Wird's Zit für früschi Zeen, die Dritte?
Findsch sicher drizääh Chifer-Schmitte
und duesch trotz Physio no hinke,
gits vor Ort Orthopäde-Finke.
Jä, Sissach isch es Kaff für Greise,
wo obe dra scho d'Geier kreise.

Dr Linsalata riibt sich d'Nase
und merkt: „Das isch *mini* Chance!
Sissach isch für alti Hase
scho jetzt en Art Wohlfühl-Oase.
Nur fehlt am Ändi vo dr Zone
none schöne Platz zem Wohnen
für elteri Generatione...
Hey, finanziell chönt sich das lohnel“
Er überschloot schnäll, was es choschet,
scho hett är s'Hotel Sunne poschtet
und plant dort jetzt ganz unverfrore
e Residänz für Seniore.

Das Hotel heisst jetzt „Obigsunne“.
Und me darf säge, es hett gunnel!
Wenn d'üziesch, isch en intensive
Body-Upgrade inklusive:
Bi dr Pedicüre lön die noble
Dame d'Hüenerauge hoble.
Denn duet dr Dokter d'Nase richte
und alli Chräiefüess vernichte.
Im OP chasch no d'Brüsch uffschüme
und im Solarium nochebrüüne.
So chasch als Venus d'Manne locke -
wo au nit numme ummehocke:
Bim Crossfit dōi die d'Muskle quäle,
D'Abweehrchräft im Lisbaad stähle,
D'Glatze löön si zerscht massiere
zum nochhär Ächthoor implantiere.
D'Wärze? Furt dank UV-Lampe.
Und d'Diät stoppt s'plampe vo dr Wampe.

Im Salon trifft me sich, zum dörte
bi Cocktails und Klavierkläng flörte.
Wenn sie die bleichte Zeen loot blitze,
denn duet är d'Ermel uufelzete.
Är loot si Bizeps bitz lo spüle,
sie loot ihn chläi in Usschnitt schüle,
Denn frogt är ganz galant die Schmitte:
„Ich wär dr Georges, darf i Si bitte?“
S'nōi Hüftglänk schänkt'ne Eleganz
bim Tango oder Standardtanz.

Ganz Sissach schnallts: In grosse Masse
wäi alti Lüt ihr Gäld verprasse.
Au dr Gemeinroot het drum gschalte,
wältz Strategie für die Alte:
„Als erschts, find ich, wärs doch no nätt
wenns nätti Tualaette hätt...“,
meint dr Preesi Buser Peter,
„...für Blooseschwachi, all paar Meter“.

S'entstöön näb dr Begegningszone
no witteri Attraktion:
Casino, Golfplatz, es Orcheschter
für Festivals und Summerfeschter.
Im Eberain chasch Delphin luege.
S'sell au e Luftseilbahn uf d'Flue gee,
und uf dr Matte dōrt, dä Quark,
e riisige Vergnügigspark,
wo in dr Gäischterbahn, verreckt,
dr Sunnestamm jetzt d'Gescht verschreckt.

Klar, ich ha chläi übertribe.
So witt wäis d'Sissecher nit tribe.
Doch dunkts mi glich, s'git mit de Joore
immer mee Jet-Set-Seniore.
Wo uffpoliert öis wäi bewiese
„Ich ghöör denn nit zum Alte Iise“!
Sicher: Altere isch e Bürde,
Doch so Hetze nimmt dir d'Würde.
Jetzt hätsch doch Zitt! Chasch ändlich glasse
uffs Bänkli höckle - oder jasse.
Verzell öis Junge übers Läbe,
nach was mir würllich sölle sträbe!
Es goot doch nit ums ewig jung si,
Wie Teenies immer uf em Sprung si!
Dä Stress bruchsch nüm, näi merci villmoll!
Do säg ich nur: „Hey Alte, chill moll!“

Wetsch au piffie oder drummler? Mir leere Dirs gärn!
Chumm an d'Ischribig am 21. März in Zünzge. Alli Infos und
Kontaktadrässe findsch do: www.wurlitzer-clique.ch



Obigsunne

Dur Sissach lauft dr Linsalata
(fürs Zmittag mues är no Salat ha)
und in dr Zone merkt är bald,
im Durchschnitt isch me z'Sissach alt
Wär ins Dorf go poschte goot
gseet das sofort am Aagebot:
S'git Brülle, Linse, Grät für d'Ore,
Wasserbetter, Rollatore.
Drei Appideegge konkurriere
zum pharmazeutisch Di z'kuriere.
Wird's Zit für früschi Zeen, die Dritte?
Findsch sicher drizääh Chifer-Schmitte
und duesch trotz Physio no hinke,
gits vor Ort Orthopäde-Finke.
Jä, Sissach isch es Kaff für Greise,
wo obe dra scho d'Geier kreise.

Dr Linsalata riibt sich d'Nase
und merkt: „Das isch *mini* Chance!
Sissach isch für alti Hase
scho jetzt en Art Wohlfühl-Oase.
Nur fehlt am Ändi vo dr Zone
none schöne Platz zem Wohnen
für elteri Generatione...
Hey, finanziell chönt sich das lohnel“
Er überschloot schnäll, was es choschet,
scho hett är s'Hotel Sunne poschtet
und plant dort jetzt ganz unverfrore
e Residänz für Seniore.

Das Hotel heisst jetzt „Obigsunne“.
Und me darf säge, es hett gunnel!
Wenn d'üziesch, isch en intensive
Body-Upgrade inklusive:
Bi dr Pedicüre lön die noble
Dame d'Hüenerauge hoble.
Denn duet dr Dokter d'Nase richte
und alli Chräiefüess vernichte.
Im OP chasch no d'Brüsch uffschüme
und im Solarium nochebrüüne.
So chasch als Venus d'Manne locke -
wo au nit numme ummehocke:
Bim Crossfit dōi die d'Muskle quäle,
D'Abweehrchräft im Lisbaad stähle,
D'Glatze löön si zerscht massiere
zum nochhär Ächthoor implantiere.
D'Wärze? Furt dank UV-Lampe.
Und d'Diät stoppt s'plampe vo dr Wampe.

Im Salon trifft me sich, zum dörte
bi Cocktails und Klavierkläng flörte.
Wenn sie die bleichte Zeen loot blitze,
denn duet är d'Ermel uufelzete.
Är loot si Bizeps bitz lo spüle,
sie loot ihn chläi in Usschnitt schüle,
Denn frogt är ganz galant die Schmitte:
„Ich wär dr Georges, darf i Si bitte?“
S'nōi Hüftglänk schänkt'ne Eleganz
bim Tango oder Standardtanz.

Ganz Sissach schnallts: In grosse Masse
wäi alti Lüt ihr Gäld verprasse.
Au dr Gemeinroot het drum gschalte,
wältz Strategie für die Alte:
„Als erschts, find ich, wärs doch no nätt
wenns nätti Tualaette hätt...“,
meint dr Preesi Buser Peter,
„...für Blooseschwachi, all paar Meter“.

S'entstöön näb dr Begegningszone
no witteri Attraktion:
Casino, Golfplatz, es Orcheschter
für Festivals und Summerfeschter.
Im Eberain chasch Delphin luege.
S'sell au e Luftseilbahn uf d'Flue gee,
und uf dr Matte dōrt, dä Quark,
e riisige Vergnügigspark,
wo in dr Gäischterbahn, verreckt,
dr Sunnestamm jetzt d'Gescht verschreckt.

Klar, ich ha chläi übertribe.
So witt wäis d'Sissecher nit tribe.
Doch dunkts mi glich, s'git mit de Joore
immer mee Jet-Set-Seniore.
Wo uffpoliert öis wäi bewiese
„Ich ghöör denn nit zum Alte Iise“!
Sicher: Altere isch e Bürde,
Doch so Hetze nimmt dir d'Würde.
Jetzt hätsch doch Zitt! Chasch ändlich glasse
uffs Bänkli höckle - oder jasse.
Verzell öis Junge übers Läbe,
nach was mir würllich sölle sträbe!
Es goot doch nit ums ewig jung si,
Wie Teenies immer uf em Sprung si!
Dä Stress bruchsch nüm, näi merci villmoll!
Do säg ich nur: „Hey Alte, chill moll!“

Wetsch au piffie oder drummler? Mir leere Dirs gärn!
Chumm an d'Ischribig am 21. März in Zünzge. Alli Infos und
Kontaktadrässe findsch do: www.wurlitzer-clique.ch

